

說部叢書

第十四集二四編  
集四編

偵探小說

羅刹雌風

上海商務印書館發行

# 羅刹雌風

英國希洛原著

閩縣林紓筆述  
永福力樹譏口譯

## 第一章

俄國京城暗探隊警監古登那彌司方居密室中治事。其人勤於職守。晨夕鹿鹿。今日乃愈旁午時。皇帝方將遊歷歐洲。國中已喧傳其事。道行事頗危險。以少帝新行大婚。出狩擁衛之責皆古登任之。古登書時。忽擲筆於案。起而按鈴。少須有所部入。古登曰。波爾波來未來者。曰。波爾波已侍於外廂。古登曰。進之。波爾波入。則貌固魁偉。然如鄉居人不事華飾。而武概凜然。髮蓬蓬。幾蔽其面。執膩垢羊皮之冠。步武整肅。幾不稱其服。古登以背就榻。仰而笑。曰。波爾波汝矯粧如是之肖。爲吾不測。想爾頗費時暑。乃能肖此野人之狀。波爾波卽以溫雅之言答曰。此部曲得從磨練也。吾第三區之巡警。果過人之門。爲人辨析。事且立敗。古登曰。日本大臣知之。同在警界之。

中平日藉爾之力多矣。爾雖矯裝至此。然精神學問仍一波爾波也。唯措手第一著。當治何處。請試告我。且外間消息如何。波爾波曰。今茲尙不得朕兆。鄙意初無可據。足以止乘輿之西狩。而外間伏莽近亦蠢蠢然無少動者。然吾心滋疑。其中必有變故。而又不敢遽言其變。以逆上心。居恆戚戚然深憚。飛劍炸彈之來。彼不應靜而靜。愈足令人生怖。古登聞言撚鬚久之。言曰。吾憶六月中黨人頗蠢動。然國中尙寧謐無事。此豈種今日之遠因乎。吾亦曾思維其故。必僞爲此態。使官中人捕捉。又僞爲逃逸。都盡使我不備。乘間暴動。遂無抗阻之人。波爾波曰。此事殊易料。然部曲以人四。僨初不得當。如威歲司也。孫作佛也。克拉司那美司也。安那也。柏土蔚也。此數人本在森彼得堡中。錚錚有聲。今乃如出世界之外。猶鴿之伏卵矣。初無形迹之可疑。吾實力靜察。不得迹兆。卽書信之往來。亦不可迹詰。茲足耐人尋味。古登沈吟曰。然乎。波爾波曰。或且別舉首領。故人不得而知。尤爲吾警中人所不能辨別者。果欲大舉。此計良佳。則柏土蔚之安謐。又未始無故。天下不可得解之處。必欲解之。則機關。

仍屬柏士蔚之身擒賊擒王今當仍屬意於柏士蔚古登曰良然良然因起而徘徊曰新黨何人耶何密祕如是不知賊愈多謀而皇室愈安惟畏禍之故措備嚴不惟皇躬不罹於患尤當使之勿恐今足下將何策以教我波爾波曰部曲已籌及之矣前一月起至今苟有疑似必加以關注顧乃一無所得時二人互商久古登忽曰吾友此行最善非足下輔行吾心殊懸懸今姑以烏勒拖司提總宿衛之士然仍受節制於足下足下但爲隨扈之行祕書足矣波爾波曰惟命惟尚有言者吾職亦當勿令同官見覺第一爲羅波那夫王次則謁者必勿令知之古登曰此謀良祕吾今將進烏勒拖司提與語足下於起蹕之先當細審機宜勿墜落人手波爾波曰明日卽行今殊匆匆然未行以先必來告辭今別矣旣出總監之室立變其行止爲偷父狀遇人故作拘跼然人人領會往往目之私謂此公矯裝將以偵探隱微乃不圖先爲同官所覺波爾波旣出大門歷階而下斗遇一人將登階入屋波爾波見來人絕異既非法人亦非俄人衣服之華美似英美人物而豐而赤髭鬚盡雍似非貧薄之人

旣至波爾波前。忽曰。請問先生。此間是否爲美國領事府。波爾波能操六國語言。皆如其土著。此時僞爲不審。匆匆自去來者。聳肩直入大門。波爾波旣不之見。則逡巡府外。用待其出。知此人非奸宄者。卽爲美國之旅行家。我今衣飾如此。乃謂我能英語耶。此人何爲見問已而忽曰。此美人與區中人語矣。且示以入門之路矣。於是此美國人。忽不入門而下。雜行人之羣而去。波爾波曰。吾憶之。今日值日者爲布拉斯器。或能得此人之蹤跡。且言且自慰。卽見有一人自門中出尾。此美國人而去。波爾波知偵伺已有。卽向一闊巷而行。此間多貧窶人所居地。至污瀦。波爾波入一小室中。此爲波爾波別館。作更衣之室。其出也。自後戶入時。則遵他途而至。進前門。又易裝爲估客。惟其行蹤隱祕。每入第三區時。往往累易其衣。使人不疑。其居故在美塈街。此時入門按鈴。家有侍者。亦巡警中人。苟非夙知行藏者。則入門時。幾峻拒之矣。波爾波旣入。卽至更衣之室。易爲文人粧飾。心中尙籌畫此數分鐘中。如何部置者。對鏡徘徊久之。自言曰。今當往見巴里婧玉人矣。他處尙可不至。惟此人不可不。

臨別卽以交際言。固當見之。然是人殊不可測。往往生余疑慮。卽呼侍者曰。他拉司汝曾否以吾書上將軍都伯勒司提。他拉司曰。將軍言請恕其罪。明日隨扈西行。方擇擋行裝。匆匆不及走別。今夕有人延飲於巴里婧翁主家。波爾波曰。他拉司吾書卽爲是事。他拉司者爲波爾波信託之人。然尙不知波爾波亦將遠行。意待一句鐘前。始令知之。其隱祕如此。波爾波裝竟。以小花加諸禮服之上。刷其衣上之塵。取冠及杖。出見者肅然無不欽此巡警之官。溫雅如法人。乃不知其人乃負絕大之責任。而出也。年歲僅在四十之間。鬢髭淨蕪。以種族論。俄人多嚴冷。然此君乃溫醇可親。其能成大功者。生平惟勤慎精明。故能藏事。事卽非其人所宿練。臨時尙能應變。矧爲生平致力之端。則更遊行自在矣。然亦僞託爲虛無之黨員。而黨中人亦無知。卽爲反對者。波爾波此行。猶之乘桴行於巨浸。皇帝之命。託之掌中。前路莽莽。能發光明。俾安穩不爲刺客所中者。恃其人智力也。方其著衣時。正節節籌其機宜。不欲以有限時光。使無魚之沼。謬至垂綸。旣出門。卽謂御者曰。爾爲將軍赴翁主巴里婧邸。

第。已。而。至。莫。斯。卡。車。止。山。下。即。有。邸。人。以。馬。迎。既。臨。山。上。邸。門。即。有。人。引。波。爾。波。入。廣。廳。中。舉。帷。入。內。侍。者。傳。言。貴。客。戾。止。即。聞。有。人。呼。曰。波。爾。波。先。生。殊。無。信。數。日。以。來。乃。獨。不。存。間。可。憐。人。耶。言。者。爲。一。婦。人。作。嬌。柔。之。聲。亦。不。伸。手。爲。禮。波。爾。波。以。指。自。近。其。脣。曰。五。日。耳。女。曰。雖。名。五。日。直。同。五。年。此。時。引。目。室。中。已。見。有。人。臨。窗。外。望。似。有。所。思。波。爾。波。僞。爲。無。見。但。與。女。言。曰。適。來。爲。別。女。曰。君。欲。別。去。森。彼。得。堡。邪。必。至。巴。黎。勝。地。矣。波。爾。波。曰。巴。黎。尙。未。至。明。日。先。至。維。也。納。吾。至。愛。之。翁。主。必。樂。聞。吾。幸。扈。蹕。爲。祕。書。官。也。已。而。翁。主。似。有。所。悅。目。光。閃。閃。笑。曰。爾。爲。美。材。乃。爲。祕。書。殊。可。惜。耳。然。吾。先。賀。君。並。祝。皇。帝。得。此。行。祕。書。想。沿。途。必。無。意。外。之。事。吾。尙。忘。一。事。此。間。尙。有一。客。爲。美。國。來。此。人。爲。上。校。達。拉。巴。遊。歷。至。此。並。結。識。此。間。政。府。冀。得。寶。星。即。迴。面。謂。美。國。人。曰。此。爲。波。爾。波。先。生。今。將。隨。扈。行。也。此。時。對。波。爾。波。操。法。語。爲。交。際。中。通。用。之。語。而。於。美。國。人。則。操。俄。國。語。波。爾。波。惊。然。自。笑。當。二。點。鐘。以。前。遇。者。即。爲。是。人。吾。矯。粧。爲。農。夫。彼。或。未。之。覺。也。心。中。復。念。此。人。滋。怪。既。知。俄。語。何。以。見。我。時。

不以俄語問訊。且由美入俄道經法國。豈有不知法語者。心中至爲躊躇。然仍不露形迹。於是坐談皇帝出狩事。此美人渾然若不之知。卽巴里婧亦落漠不甚屬意。巴里婧者奇女子也。在玉牒中。錚錚有聲。韶華雖在二十七以上。而肌理之細膩。有同嬰兒。身材旣佳。而形色所呈。臨事百變。脣櫻極小。二日作蔚藍色。蘊智至深。未嘗爲人所覺。舉動尤極嫋雅。音吐明亮。而又嬌柔。聞者莫測其憎愛所在。旣產貴胄。而往來者尤多。故家卽維也納。巴黎之貴人。亦匪不識。巴里婧此時謂波爾波曰。粗豪之波爾波汝。此行須慎。吾聞此處出遊。直巡警隊包裹國家而出。(漢官儀稱皇帝爲國家茲仿用之)第未知督隊者爲誰。然吾微聞爲烏拉拖司提也。波爾波曰。吾自知慎。吾方受事爲祕書。古登卽取吾履歷付烏拉拖司提調查。天下知人不易。古登之舉我爲行祕書。卽云稱職耶。美國人達拉巴旁聽似外國訪事人頗傾耳。卽言曰。皇帝出狩。典禮耳。而烏拉拖司提戒嚴以出。出卽遇險乎。吾思滋爲多事。波爾波亦矯笑作輕鄙狀。言曰。國家故事。烏能棄置。達拉巴將軍之發問。殆謂有無遇險及宿。

衛之士能爲國宣力。此二事吾亦不能預料。然言吾字時頗低聲。波爾波者固能以老謀探人心。緒然靜觀此美。國人及巴里婧已略得其迹。兆即此二人亦殊不信謀國諸公於出狩一事都無謀畫。此時巴里婧方把珠柄之小刃。笑指波爾波曰。波爾波汝不嘗此中風味乎。且出狩事汝豈真未聞。今且不談。虛無黨及巡警事但問在行中作何消遣。彼都伯勒司提將與女謁者訂婚道中必有狎媠之事。汝可乘機取其間隙。用佐酒邊茶餘之談資。不寧可乎。且此二人同行。無離別之惜。殊可人意。波爾波聞言亦微笑。蓋波爾波生平凡社會中事。匪事不知。女謁者華斯梨風貌至美。與都伯勒司提原有婚約。尙未成。復悅巴里婧。遂擲華斯梨於弗顧。今茲巴里婧之言。特用以揶揄華斯梨。波爾波固已知之了了矣。不期爲之失笑。且時時體察都伯勒司提。用情之深淺。然都伯勒司提瀕行。尙至爲別。波爾波亦深知之。卽曰。天下情之所關。有以爲美者。有不謂然者。吾觀上校都伯勒司提。此行實攜月行正恐時隱憾。不見日耳。巴里婧知以日喻己。卽曰。汝在俱樂部中。聞此故用爲談詆。都伯勒司

提。之。愚。駢。汝。之。所。知。幸。以。明。目。行。不。爾。吾。亦。將。屏。之。於。門。外。吾。亦。安。敢。以。纖。弱。之。身。  
與。皇。后。至。寵。之。女。謁。者。與。少。年。貴。伐。離。婚。而。都。伯。勒。司。提。尤。無。識。之。孺。子。用。情。孟。浪。  
可。笑。語。未。卒。忽。侍。者。言。禁。衛。軍。上。校。至。卽。聞。劍。室。觸。地。鏘。然。作。聲。戎。粧。之。將。軍。赫。然。  
及。門。翁。主。不。期。其。至。亦。頗。愕。然。然。至。靈。警。卽。起。立。以。微。意。示。美。國。人。及。波。爾。波。出。達。  
拉。巴。如。令。立。行。而。波。爾。波。自。命。與。來。客。稔。仍。留。身。以。俟。並。不。以。爲。妄。蟲。其。間。此。時。美。  
少。年。之。上。校。與。翁。主。執。手。言。曰。吾。至。不。幸。今。茲。與。爾。但。有。十。分。鐘。之。談。少。須。別。矣。巴。  
里。靖。曰。胡。不。就。此。晚。餐。波。爾。波。聞。言。乃。至。不。測。又。聞。上。校。謝。曰。皇。帝。下。令。召。禁。衛。軍。  
宿。衛。宮。門。吾。爲。第。二。班。立。時。入。值。吾。但。歎。息。命。窮。丁。此。苦。役。而。已。二。人。方。深。談。波。爾。  
波。起。而。告。別。遂。與。翁。主。執。手。並。與。都。伯。勒。司。提。爲。禮。上。校。方。心。緒。沈。塞。亦。不。暇。顧。而。  
巴。里。靖。洞。於。物。情。婉。曲。致。意。別。時。亦。宣。示。不。能。留。客。之。意。波。爾。波。既。出。自。思。巴。里。靖。  
之。留。上。校。晚。餐。殆。有。所。言。今。既。匆。匆。則。必。在。一。二。分。鐘。中。表。示。已。意。吾。當。竊。聽。此。機。  
不。容。失。也。於。是。徘徊。於。闌。干。之。側。下。樓。六。級。復。躡。足。而。上。側。耳。門。次。聞。上。校。曰。吾。至。

愛之翁主。此次久別。吾焉能爲情。吾不敢必。翁主之待我如何。然話別殊難。雖翁主之垂恩。款款致吾。晝夜反側。然吾之心緒一如前月相見之時。第未知今茲之意。翁主之見待當處。我於何地。吾雖冒百險去一己功名。舍皇帝之恩寵。聽朋友之指責。舍華斯梨之舊情。但能乞翁主一句語未竟。巴里婧以嬌柔之聲謝曰。汝勿急急。且勿暴厲。苟至其時。吾終有酬君之語。其所以濡而不決者。正自有故。今遠別。固不能免。但當堅其勇力。以殺離別之苦。書也電也。以每日一次爲佳。上校躍起曰。佳哉。吾深贊此議。巴里婧復曰。都伯勒司提。汝逐日所爲。必示我。凡幾微之事。有涉於汝者。吾聞之咸悅。且吾初不屑爲情語。但欲聞機事爾。同行中如華斯梨之舉動。及烏勒拖司提之作用。與虛無黨之行爲。咸一一語。我均爲我所樂聞。都伯勒司提大悅。曰。旅行固非樂然爲卿之故。逐日作書。尤其是令人勃勃有生氣。巴里婧曰。吾或在俄京。或在他處。汝每日必以電無論。趨公赴宴可先一日見示。雖悠悠遠道。而精神實逐君之後。塵都伯勒司提遂歷歷言公事。波爾波有聞有不聞者。已乃無聲。似將握手爲

別。波爾波卽微步而下。自念所料乃適當矣。此愚駢之小子。方爲此婦人之傀儡。吾若告之。古登則此少年必去官朝廷。亦必以兵圍翁主之邸。第吾遠進而撲之。亦不能盡其黨羽。想彼黨已散布在外。隨地皆有烏能草薙而禽獮之也。於是行及道上。百無所遇。狀蠢蠢然。卽呼車至一更衣之室。心中自念不必力沮其行。聽都伯勒司提扈蹕譬之。取蛇當斷其要害。不爾將反爲所噬矣。

## 第二章

皇帝至維也納之第二日。盛雨如注。而百姓仍聚於戒指街大園林之前。以是日民間咸知皇帝將御頌遇祉公園。衣履沾溼。仍不之顧者。以尋常中皇帝萬不能沮雨。遂變易其意嚮。憚雨而不至。時行宮之前。有人相傳奧皇帝以沮雨故。不敢奉邀俄帝同遊。此時俄皇女侍中咸法國粧。盛服待車奉迓。然似聚謀一事。狀頗嚴切。中間有老婦人言曰。所以遲遲不迓者。或卽改期之微意。若冒雨而行。吾身不足惜。所惜者衣服耳。華斯梨爾知所穿著之價值如何。非一千二百盧布乎。歸時盡毀不值。一

錢矣。此婦人之喋喋。蓋對一長身玉立之美人言。彼此隔窗而坐。而廊廡之下。雨脚如繩。語者爲華斯梨王妃。卽皇后之輔行。其女曰伊綸。廢妃之愛女也。爲女謁者中三人之一。伊綸。廢笑視其母。似心中別有所動。卽曰。衣服細故。經雨不必。卽毀人生須快意。吾於火車中偃伏已數日。今又不能外出。則同熊處檻中。如何可耐。須知吾之爲性。亦一熊也。妃四顧後。謂女曰。此語安可令人聞之。汝乃不知此爲危險之時乎。外史氏曰。天下名爲與人訂婚。婚雖訂約。固未必。卽爲其家人。此意母女咸知之。女聞母言。危險亦知。都伯勒司提之。婚約不足。特卽起臨窗下。觀都伯勒司提所侍立處。歎息復歸己座。伊綸。廢者。醇善和平之女郎也。知母意示已。不能遽遂其所圖。且遠道同來。而情人涼薄之意。已爲母所覺。故聲言危險耳。而王妃者。方有事於行在。冷眼觀其愛女。知女心已萬分不能自忍矣。顧亦不敢明示上校。以絕婚之意。彼此心照而已。夫以平日膠漆之交。忽爾冷如冰雪。女心固積怒。但不欲在行在中動致訟鬭。故一聽都伯勒司提之。自由意待返蹕以後。更提曲直。然伊綸。廢長日私語。

謂巴里婧。狐媚弄人。都伯勒司提必爲所有矣。日中言此者恆至數十徧。當此之時。沉吟雨中。意亦如此。忽聞廡下將校中大動譁笑。王妃臨窗問曰。盛雨之中。沈悶殺人。諸公何樂至此。能聽吾輩一與聞否。中有一校曰走卒中。惟烏勒拖司提及諸大臣咸以國務故聚議於密室。諸人咸在。獨波爾波不見。或言已奉勅出商改期之事。王妃笑曰。波爾波善於詞令。諸君以此小事。詫爲要政。推波爾波。果波爾波在此。諸公敢肆其調詆邪。伊綸慶亦強自支厲言曰。波爾波往往獨居深念。如有所關心者。實不測其所爲。自車駕出都。至此。吾恆細度其行藏。然終不得其命意所在。中有子爵萬那曹夫。髮已蒼白。方爲侍中。卽曰翁主。此人職務甚勞。政府每有委任。則沈默思旣其責。卽不然亦當謬爲此態。以示忠勤。伊綸慶亦僞爲歡笑曰。然波爾波唯忠於所事。故劬勞至此。吾見其人必加歡慰。時唯皇帝及羅波羅夫王與蒲袞司道夫三人外。無一能知波爾波所爲者。宜萬那曹夫推測之。不能得實也。實則此三區中之波爾波。果有忠勤之職務。亦無暇謬示其忠勤。此時波爾波果與兩大臣方自皇

帝行宮中散值。羅波羅夫王自堂途中行。言曰敬謝天地。幸盛雨及之。不然人將以我爲怯。吾今將告宿衛諸君。更遊期至於明日。既以慰諸君之心。亦免女侍中沾溼其鮮華之服。王年可四十以外。尚壯健。將歸其值房。波爾波追及之。言曰王未宣布改期之旨。下官尙有密謀上聞。而蒲將軍及烏勒施司提亦至。波爾波語王曰都伯勒司提舍扈蹕從行外。皆閒散無事乎。蒲將軍曰然。波爾波曰請易其宮門之籍。召都伯勒司提長日侍中勿聽。外出此事。至要。幸王俯從時。革命之風方熾。凡三區中計畫。雖朝廷亦匪不曲。從此次波爾波所請。語出非常。羅波羅夫王聞之愕然。不知所謂。卽曰波爾波先生此何語。詎吾同官之中亦有變故乎。波爾波曰此舉非疑人殆防變耳。吾同官中安有謬舉。然不能不言。而又不能遽告。請王曲允足矣。羅波羅夫王不期聳肩不已。蓋聳肩之習生自法國。今亦輸入俄中矣。王此時答曰貴區中計畫。匪有遺策。唯吾尙須往謁奧國外交大臣。且須少息。萬不能以女侍中衣服露溼之。故費我脣舌。今一憑足下之言。本邸匪不如約。於是三人與王執手。王挾冊勿

勿入波爾波曰蒲將軍苟宣告改期時當匆匆作態如初下値者傳語諸僚示詔勅甫下之意下官當僞爲無事先與諸僚同立卽謂烏勒拖司提曰汝當趣尋安那並與奧國總督商酌保衛皇躬彼方候爾爾宜急往蓋此次諸僚之皇皇及宸遊之改期實爲虛無黨遠來之故蓋當俄皇駐蹕時衆皆髡髮見安那已至奧京故備之甚力力請俄皇改期皇帝之能如言波爾波自以爲幸且此美麗之女革命前數日在俄京中手斃一巡警長今茲至奧禍發且不旋踵今茲固不能測敵人之計畫吾但自變其計畫使敵莫測足矣烏勒拖司提狀亦魁碩爲偵探之老手聞令卽歷階而下蒲將軍旣自入值盧波爾波亦自至衛士之所波爾波方入門時已聞笑聲及見波爾波笑聲愈縱卽都伯勒司提亦面波爾波笑不已笑時爭問是否面皇帝請改期事波爾波曰此事與我何涉以我有未了之事不能不就私室中了之華斯梨王妃本無識見聞言卽曰波爾波或言爾勤於公事故長日懊憹或言僞爲此態實則爾或爲虛無黨之事關心乎波爾波本慎守祕密此時忽聞此媿發宣心中至恨然

猶謬爲感激之狀。曲謝妃言。幸尙能自矯。容色都無更變。卽鞠躬曰。王妃善謔下官。安有是心。且偵探職分屬烏勒拖司提。幸彼不在此果爲所聞。將何以處置下官。不寧。惟是且使沿路多指目之人。謂我爲黨。豈不使下官多樹一敵乎。矧巴黎中防備尤嚴。下官將邀遊於彼間。設此言一宣。則下官將拘攀不能自展。妃何不告人下官。身隸三區。則無防我之人。叨榮多矣。波爾波者。老謀壯事。知碌碌皆不足數。此言之出。猶以弱草表諸疾風。視風之所向。卽以驗人情之所向。其敢表明三區者。卽謂身爲三區中人。防虛無黨者。旣敢以三區自表。則非虛無黨可知。以眞實之事爲謔浪之詞。有意無意間。如雲過太虛。衆疑爲之釋。然詭謀濟以定力。此所以爲波爾波也。此時衆中皆謂波爾波爲黨人所不信。今日偵探之務亦解。不足爲患。獨伊綸屢冷眼以爲不然。波爾波亦覺道行時與烏勒拖司提密語。曾爲伊綸屢所見。蓋波爾波道中實未嘗與三區巡士接談。此次適得急電。不得已同至烏勒拖司提車中。或且關係三區之迹兆。爲伊綸屢所覺。此女聰明。越於等倫。事不能祕。波爾波方與衆議。